

Matiusi 26



Rahida
wonang aha
werahida Paska
foi, Yesusi da to
munue Betania, amani
Lazarusi mano raminde
Yesusi duwiria suwi
na marareha rorong
foi ne munuefo.
Ainanaya Mariai kia
maning niunsai mampori
literi mairabuang feai ma.



Maning nani mani enariri na ai newao niunsai mampori
tuti ne harga dedai paria. Sari maningfoi to Yesusi
awengfo aweu, ainanaya dufi na mantauni
nurandaungfo aha. Maningfoi ne niunsai mampori fo
wedaya munufi sentenang niunsai mamporia.

Ainanaya Yudas Iskarioti, manei na Yesusi ne inontarai ewesuraya mandu fosa, da we imami baba fosara we dewayang Yesusi wesa ki. Rabuang bo imamifosa etarami kaiwo fenana fo, eparaise paria tuti etarera we ambori ebai Yudas ki. Ampafe Yudasifo sera we rahida mai we dewayang Yesusi.



3

Ampefe ne inontaraifosa enari kariri fiani aino demisa wea fo, era wa emainenang fiang we Paskafoi. Rabuang bo etampi foi, Yesusi kia rotifeai dutang Sempaishi dohong mahikai wei. Ainanaya fioabau rotifo na warangfo tuti dohonai we ne inontaraifosa. Yu rotifo dohonai wesa tonanai mae medu wesa deyo, "Mehari mau tuti metani, weo nehu taraifi dinini."




4

Mayeai kia nofi soni angguri nai foi, dutang Sempaishi dohong mahikai wei. Ainanaya dohong nggurifo na nofi foi aha wesa tuti medu deyo, "Metunung kiai na nofi nini. Angguri nini mani nehu rika dine, rikao na Kaiwo reraio Allai dohonai we inontarainesara, rikao tiwowu we kaiwasa bitoya foi ambori Allai feriri ene sasarifo."

5

"Simone, Simoni wo, taramu ma! Saminseni sobu rang we ambori weanggari mea ki, toyario patibu iriri weru rerawafoi, ampafe ne dentengfoi iriri siai weru ne kerirafai. Wape yutang Sempaishi we Simone wau kawuru ampa, ambori roasoawa dawohi fanai. Kontaio barabera wau kawuru we yau aha ma mani, wau kontai bohong kaiwo we nemu doroiwasa ambori eroasoai kontai."



6

Petrusi yoa deyo, "Sengne waune, yau imainenang we isuaio aitamurorong fo tutu imereha ria wau!" Yesusi yoa deyo, "Petruse, imadurai we wau mau yeyo, diru nini wirow mangohei bibe kaharai mae, fofora yau webetoru kawuru, amani boyo wirow boroanso yau kaha."

7

Ainanaya Yesusi tuti ne inontaraifosa era to katai bei wonong fino Getsemani. Na katai nani medu wesa deyo, "Meminohi na nina mae itaha tourai to wanaia iwenadi nai." Wenadi deyo, "Daie, Wau nari fiani kontai mawa arora. Kadeo ruai fi miraba fuba isodairi nini weru yau, wape wirow kariri nehu yawiane fanai, mae kariri nemu bawiawa terai."



8

Ampafe Yudasi da to katai nania, kia afai mamuna Roma fosa manea tuti mano ewaitawang wedua Sempaisi ne Munufoi na Yerusalemifo manea, amani inontarai imami baba fosa tuti Farisifosa etemisa fosa. Inontarai nanisa eha fimamuna, pelita tuti obori. Ainanaya inontarai manei na sa, fiating ne sondufoi doa awaru ferang kutu imami fuba ne woming manei tarandaungfoia fituayai. Wape Yesusi deyo, "Nana fanai!" Ainanaya waratawang imami ne womingfoi tarandaungfoi tutu niariri denteng aha.



9

Raifosa etafu Yesusi tutu ehari to Kayafasi imami fuba pari foi ne munufoi. Petrusi da riatai na waroi. Na munu dereungfo, manea eminohi eharuru adia bei na nanai, ampafe Petrusi kontai da wa minohi keruru adiafoi ria sa.



10

Ainanaya imami fuba foi ne mangfata manei, i mani imami ne womingno anta Petrusi ferangkutu tarangfoi ne tera dine, medu wei aha deyo, "Antanafa iwati wau we nayai kontai na romifo riati to?" Mayeai Petrusi fefora aha deyo, "Bereri." Na tatofang kutu nanai kontai manggoheifo bibe. Ainanaya Petrusi dari weru katai nanai tutu saia wiro denteng ahang kaha.




11

Majelisi Yahudi fosa kiai eha Yesusi to Pilatusi, gubernorifo aha. Ampafe Pilatusi dutang bera Yesusi deyo, "Taraie, wau weMananu we inontarai Yahudi fesa ne ne?" Yesusi yoa wei deyo, "Yo, tonanai kariri modurawa." Pilatusi deo sawing Yesusi, ampafe medu we kaiwasa bitoya foi


aha. Manamo kaiwasa bitoya foi ehuayai esahu mambiriu

aha eteyo, "Pahui na aitabafoi! Pahui na aitabafoi!"




12

Ampafe Pilatusi dohong Yesusi wesara we epahui na aitabafoia. Ampafe eha Yesusi ria Pilatusia. Yesusi mantauni sodua ne aitabafoi, da to boriei to kataio wonong fino Woming Nungkamiei, na kaiwo Iberani mani esahui we Golgota.




13

Na katai nani epahui na aitabafoi. Inontarai siai mandu kontai epahu suru riati, amani manei na domoya manei na dowe, mae Yesusi ne rabuang.



14

Tarahio araha ureng suraya boru rahida rabuang batang, na tantuma katai foi memantiti sentenang paria sobu araha ureng botoru, weo wofaisi wiro sambewarai ahang kaha. Ireu aburung sau wetaba na Sempaishi ne Munufoi rorongfo miabu weberu. Ainanaya Yesusi bibe mambiriu beyari deyo, "Daie! To waramu rorong wa mampui, itawing nuhuaninunei!" Medua kaifo, kiaharaia.



15

Ampafe inontarai manei wonong fino Yusupi, i inontarai na bendari Arimatea dine, da ma.



16

I kontai yuo wang Majelisi Agama fo tuti kaiwasa esahu suari, tuti i yoasoa tuti demang na mai paria we rahida bo Allai we Mananufo. Kia ne tarai da wa dutang Pilatusi we kia Yesusi ne taraifo ambori sirai. Ainanaya Yusupi wiorio ireu lineni (ne harga dedai) beia, mayeai da wa su Yesusi na aitaifo meu, sensani nayai. Mayeai kiaria dohoni wia na fafo dahi na wiwoi wekamiei dereung fo. Ainanaya, dedoi kamiei fiabai beia wia kobu fafo borongfoa.

17

Kameai aha mani, rahida Sabati dine, imami baba fosa tuti Farisifosa era ruhiai we Pilatusia, tuti emadu wei eteyo, "Mambaisengne wau ne, amearomioai we na inontarai sofa biriu foi darangne, ...




18

... medurai deyo, 'Rahida bo botoru foi mani, isui aha ki.' Ainanaya eha afai mamuna fosa era to Yesusi ne fafofoia, ewora tawang kamieifo tuti etohong afai mamuna fosa etoa wari fafofoi."

19

Rahida Sabati foi kiaia, na rahida Minggu kameai kutung Maria Makdalenai tuti Maria mano siai foi ura wa uwati fafofoi.



20

Mayeai na tantuma mundiai fuba bei fio mambiriu, weo Allai ne wewai manei biari na rorafaisi meu, da to fafofoi dedoi kamiei wia kobu fafo borongfo, tuti minohi saui. Afai mamuna ewaitawang fafofoi emataia erirorara tuti euremimakaha etawai aweu.

Ainanaya wewaifo medu we wiwingfo suru deyo, "Wiro mumatai fanai, yeitawanai musera we Yesusi, mano epahui na aitabafoi. I wiro wia na ninai ahang kaha, weo suwi ampa kariri medurai we meara fo, mura ma muwati katai anta wia nai nei."



21

22

Wiwingfosuru umito weru fafofoi, umito na umatai wape kontai umirising, ampefe umito usaherawa weo uraiririai we Yesusi ne inontarai erariati fosa. Mayeai na tantuma Yesusi dario wiwingfosuru tuti medu we suru deyo, "Mahikaifeai." Ainanaya ura kefania ufaung



awengfo usomi wei.

23

Yesusi ne inontaraifosa eminoi etampi tonanai, mayeai na tantuma Yesusi kiawariaiosa. Suasa we eroasoai turura kahai tuti enumikamiefoi mitubaru paria. Weo kaiwo etaramioai ria inontarai mano ewati te Yesusi we suwi ahang fosa fo wiro eroasoa kaha. Seng Yesusi medu riasara kaifo, dautai to rorafaisia. Na nanai minohi na Seng Allai warang domoya foi.

24

Weo Allai enewawu nunei fuba paria, doni dohongno ne Kaisung Mansiari foi, ambori mandoni dino yoasoi mani wiro wioru kaha, mae sobuo numainufo.

Roma 3:23 Weo inontarainesia kiai ewesasari tuti ehatai waroi weru Allai ne sambewaraio dadai fo ampa.

Roma 6:23 Weo mararehanei mani sasarifo ne fiembaita finana, wape arang we fitawafa tuti we numainufo ria Kristus Yesusi tane Sengfoi mani, fio Allai dohonai arora fine.

Iberani 9:27 Kariri fianai Allai kiutuaia fo, we inontaraine emarareha webeyari kawuru, tuti mayeai kiutu kaiwo karirisa,

Efesusi 2:8 Weo Allai dohong ne bengfo arora we tata nanai wedaya feriri mea na meroaso Yesusi fo. Fariri mesobui nani, wiro fio merurai na mantaung meara mesobua fine kaha. Mae Allai fi dohonai arora we mea fine. Ampafe mandoni kontaio wiro fiai bera mantauni we fin

Efesusi 2:9 Mae Allai fi dohonai arora we mea fine. Ampafe mandoni kontaio wiro fiai bera mantauni we finana fanai.

26

Roma 10:9,10 Weo masino memadurai na meboromiwa we "Yesusi mani Seng dine," tuti meroasoai na menemirorongwai we Allai duwiria suwi na mararehaorong foi aha fo mani, Allai feriri mea ki. Weo na taenemirorongfoi taroasoai, ampafe Allai deto tata we inontaraio tabeng riati aha. Tuti tamadurai na taboromine we Yesusi mani Seng dine, ampafe Allai feriri tata.

Yohanesi 3:16 Weo Allai enewawu nunei fuba paria, doni dohongno ne Kaisung Mansiari foi, ambori mandoni dino yoasoi mani wirowu kaha, mae sobuo numainufo.

Yohanesi 3:17 Weo Allai demi ne Kaisungfoi meufu wirowu kiutu kaiwo kariri nunei kaha, mae we feriri nunei na I.

1 Yohanesi 5:11-13 Tuti ne kaiwo medura fo ainina: amani Allai dohongno numainufo we tata kawuru ampa. Tuti ne Kaisungfoi andi dohong numainufo nanai we tata ne. Mandoni dino sobu Allai ne Kaisungfoi mani, sobu numainufo. Mae mandoni dino sobu ne Kaisungfoi kaha mani, sobu numainufo kaha. Itoi kaiwone we mea, mano meroasoai we Yesu Kristusi mani Allai ne Kaisung dine, ambori mewartawanai we mesobu numainufo ampa.

27

Matiusi 26-28; Lukasi 22-24; Yohanesi 13-21

Storyline by: Edward D. Hughes

Illustrated by: Janie Forest
and Alastair Paterson

Adapted by: Lyn Doerksen.

Ambai Bible (amk) © 2010, Wycliffe Bible Translators,
Inc. All rights reserved.

<https://live.bible.is/bible/AMKWBT/MAT/1>

©2024 Bible for Children, Inc.
www.M1914.org www.bibleforchildren.org

28